


**Programma In funere Magnifici Universitatis Rostochiensis Rectoris Viri ... Dn.
Thomae Lindemanni I.U.D. & professoris publici ...**

Rostochi[j]: Pedanus, 1632

<http://purl.uni-rostock.de/rosdok/ppn770672612>

Druck Freier  Zugang





Univers. Rostock

in

T. Lindemann.

Rostock. 1632.





PROGRAMMA

In funere

Magnifici Universitatis Rostochiensis Rectoris

VIRI AMPLISS. CONSULTISS.
EXCELLENTISSIMI

DN.

THOMÆ
LINDEMANNI

J. U. D. & professoris publici, Comitiss palatini Cæsarei, Reverendissimi Archiepiscopi Bremensis, Illustrissimi Ducis Megapolitani Adolphi Friderici, Illustrissimæ viduæ Cro-
atica, & aliorum principum
Consiliarij.

Propositum

à




Senatu ejusdem Universitatis.



ROSTOCHI

Typis JOACHIMI PEDANI Acad. Typ.
ANNO M. DC. XXXII.

84.





SENATUS UNIVERSITA- TIS ROSTOCHIENSIS.



Nni sunt ducenti & tredecim, quando in hoc littore Balthico, & in hac ipsa civitate Rostochio, universitas hæc nostra fundata est. Ab eo tempore ad hunc ipsum diem, ejus fasces Rectores gesserunt, ordine sibi singulis semestribus succedentes, vel repetitis vicibus eas resumentes, ultra quadringenti. Ex his Quatuor, quantum quidem ex Academiae Archivo cognoscere licet, toto illo ducentorum & tredecim annorum decursu, intra illud ipsum tempus, quo Universitati Rectores præfuerunt, ex terrestri hac schola in coelestem translati sunt. Hos inter primus, *Dn. Albertus Mollerus* Theologiæ Doctor Anno 1530. ipso die Gregorij, vitam cum morte permutavit. Hunc infecutus est, *Dn. Laurentius Kirchovius*, J. U. D. & Prof. Quem Academia Anno 1580. Rectoratum sustinentem, morte sublatum luxit. Simile fatum ante annos undecim Academia nostra experta est, quando anno post Christum natum 1621. mense Junio *Dn. Eilhardum Lubinum* Theologiæ Doctorem & Prof. Caput & Rectorem suum amisit. His accessit Quartus *Dn. Thomas Lindemannus* J. Doctor & Profes-
A 2 sor,

for, cui hodierno die, *Iusta*, suo orbata præside, mœ-
stissima persolvit *Academia*. Quem ut mors eandem
cum superioribus sustinentem dignitatem oppressit:
ita Ille nulli priorum, pietatis, Eruditionis, Candoris,
Eloquentiæ, Industriæ laude, inferior fuit. Viro hoc,
qui ceu *Athlas* cœlum *Academicum* sustinebat, morte
subtracto, idem ruinam minitari videtur. Tu nos, ô
DEUS, clemens respice: nutant omnia: nisi Tu fulcie-
ris, corrueant.

Lucem, denatus hic noster *Magnificus* Rector,
nunc cadaver, vitalem primùm *Hervordie* aspexit in
Civitate *Westphaliæ*. Comitatus *Ravensburgensis* non
ignobili: Anno Christi, 1575. pridie *Michaëlis*, Natus:
parentibus honestissimis & mediocris fortunæ *Henrico*
Lindemanno patre, & *Anna Kirchofia* matre: Quam ante
annos aliquot, ex *Westphalia* huc ad se evocatam
honestissime habuit; eidem ἀντιπαραγωγὴν τρεπίηλια libe-
ralissime persolvit; & fati concedentem honorifice
humari curavit. Parentes ab ineunte ætate filium hunc
suum orthodoxæ religionis & pietatis præceptis im-
buendum, & fidelibus præceptoribus privatis & pu-
blicis in scholâ patriâ erudiendum curarunt, quorum
operâ & industriâ adjutus, proprioq; imprimis motu,
& naturali inclinatione excitatus, indefesso labore,
nocturno diurnoq; studio, eos in litteris humanioribus
progressus fecit: ut Anno 1592: qui erat ætatis 17. in *A-*
cademiam hanc *Rostochianam*, velut ad uberiores
studiorum & bonarum artium mercatum, ablegaretur:
In qua cum vix mensem exigisset, publicasq; lectio-
nes philosophicas frequentasset: nec tamen ijs solis a-
nimus explere posset, disputationibus juridicis au-
f. ul-


scultans, Themidos amore flagrare cepit: invitante
eo potissimum Viro Consultissimo *Johanne Ortgisto*
Jcto eximio: cujus ductu & monitu ad studium juris
animum serio applicuit; Cum vero sumptus ad studio-
rum telam pertexendam non suppeterent, illiq; reli-
gio esset parentes gravare, occasionem eosdem, alijs
inserviando, sublevandi quæsit: Clarissimorumq;
& præcipuorum virorum liberis erudiendis præfectus
est. Cum *Bernhardo & Henrico vero Wedenhofis* Lube-
censib⁹; quibus & ipse morum ac studiorum formator,
commendatione Amplissimi Viri *Dn. Jacobi Bordingij*
J. D. & Professoris & Cancellarij id temporis Mega-
politani, datus erat. Anno 1596 Argentinensem Aca-
demiã invisit; ibidemq; triennium integrum substi-
tit; quo completo in Brisgoam, Helvetiam & Bur-
gundiã partem; dehinc Galliam & Italiam cum præ-
dictis discipulis suis excurret; quæq; ibi notatu digna
fuerunt, in Itinerario propria manu consignavit. Ex
hoc itinere redux, salutatis primum in VVestphalia
matre, & consanguineis, ad primam studiorum suorum
nutriculam, Academiã hanc nostram se retulit. Hic
postquam in familiaritatem *Dn. Bernhardi Scharfenber-*
gij tunc temporis Protonotarij, paulo post ad Consu-
latum evecti, se virtute & egregijs animi dotibus infi-
nuasset; in generum ab eo delectus est; Qui ei filiam
suam unicam *Ursulam* matrimoniali foedere Anno 1605.
junxit. Eodem anno professio juridica ei & doctoralis
infula delata, & in Academiã, concilium, & facultatē Ju-
ridicam adscitus fuit. Conjugium hoc uti pio & syn-
cero amore conjugali cœptum; ita pacatum, tranquil-
lum juxta ac foecundum exstitit; ex quo sex librorum


pater factus est, *Bernhardi* primi: *Henrici* primi: *Thomas*:
Bernhardi secundi: *Henrici* secundi: & *Agnetæ*; Ex hisce
piores duo, lucem quam vix aspexerant, reliquerunt;
filia itidem natu minima, nondum exactis pueritiæ
annis fati cessit. Reliqui tres adhuc superstites Musis
litant: & *Thomas* quidem S. S. Theologiæ, *Bernhardus*
vero, qui præter lapsis diebus, cum Avunculo *Dn. Ni-*
solao Scharfenbergio J. U. D. & Reipub. Senatore specta-
tissimo legato patriæ, ad Reg: Maj: Suediæ abiit, Juris
studio operam addixerunt; & non ita pridem è *VVit-*
*tenbergen*si Academia domum à Patre revocati sunt.
Henricus adhuc humaniorib⁹ & Philosophicis disciplinis
detinetur. Anno 1614. Conjugem hanc *Ursulam* inter
amplius & gemitus mariti, devotâ mente & constan-
ti in Christum fide expirantem, JEHOVA in coele-
stem patriam transtulit. Maritus ita dimidio cordis
orbatus, licet viduum torum premendo, reliquam
ætatis partem trāsire, & turturis instar obitum com-
paris deslere constituisset; tot tamen tantasq; exper-
tus est rerum œconomicarum difficultates, ut de fidâ
vitæ socia sibi adsciscenda, secundisq; nuptijs cogi-
tationem instituire cogeretur, Divinâ sic ordinan-
te providentia, in amplexus ejus venit. Anno 1616. le-
ctissima ac pudicissima Virgo *Elisabetha Hania*, *Dn.*
Bernhardi Hanij Civis olim apud nos primarij filia, &
Dn. Bartholomæi Clingij Juris Antecessoris eximij, &
Consiliarij Megapolitani celeberrimi, proneptis. Con-
jugium hocce priori nec dissimile, nec minus foecun-
dum fuit. Superfunt enim pignora carissima sex, nu-
mero totidem, quot prioris conjugij: filij qua-
tuor: *Jochimus*: *Johannes Fridericus*: *Johannes David*:
&

& *Albertus* filiae duae: *Margaretha Elisabetha* & *Agneta*. Illa Slesvici in Holsatia, quo se ante annum, metu crescentis in patria tumultus bellici, patris iussu contulerat, adhuc commoratur. Macarites hic Noster, cum ejus pectus Themis & Candor, & os Sua-da occupasset, Juris studia cum Juventutis commodo, & Academiae ornamento, qua legendo qua disputando, diligenter per integros 27. annos urfit: & ad Dicen confugientibus candide jus dixit. Eadem illa quibus insignis erat Judicij, eruditionis, eloquentiae dona effecerunt, ut & Aulae principum, & Respublicae aliquot, ipsius re qui siverint operas. Quem Reverendissimus Archiepiscopus Bremensis Dn. *Johannes Fridericus*: Illustrissimi principes. Dn. *Adolphus Fridericus* Dux Megapolitanus, Dominus noster Clementissimus, Dn. *Augustinus* dux Lunæburgensis: Illustrissimae principes viduae, Croviacae, & Loitzenensis, inter consiliarios suos numerarunt; & Respub. Rostochiensis Syndicatus dignitate ornavit. Viri hujus eximij & desideratissimi vita, uti fuit innocens, pia & mansueta, ita exoptato & placido quoque terminata est exitu. Cum febri enim quartana ultra semestre spacium graviter colluctatus, ita tamen ut diebus intermittentibus, negotia sua aliquandiu expedire potuerit; paulatim tamen deficientibus viribus, quippe paucis, interdum nullo cibo refectis, pridie Kalendarum Martij pejus habere cepit; & ingens virium deliquium & respirandi difficultatem sensit: quo ipso die, acersito ad se animae medico & confessionario, peccata confessus, ab ijs absolutus, & corpore & sanguine Christi Salvatoris sui partus

aus est; ita ut ad excipiendum lubenti animo, summi
Imperatoris voluntatem omnibus momentis paratus
esset. Quamvis autem spes semper fuerit virium resti-
tutionis: vis morbi tamen ita invaluit; ut omnem ad-
hibitam Medicinam eluserit; & 14. Martij post octa-
vam matutinam, postquam sæpius Davidicum illud
consolationis plenissimum dictum iterasset: Conjice
curas tuas in Dominum, & spera in eum: Ipse faciet:
in dextrum latus se, velut somno compositurus, conje-
cisset, amicisq; & liberis circumstantibus, Vale ultimum
protensâ manu innuisset, spiritum vitalem intercluse-
rit, & è ruinoso hospitio corporis, quod 57. ann. tan-
quam generosus hospes incoluerat, ad sedem suam
cœlestem evocarit. Nihil restat, quam ut corporis
exuviæ in dormitorium reponantur. Fiet id hodie ad
mediam primam in templo diuæ Mariæ. Quid vestri
officij sit Cives Academici ipsi scitis. Frequentes ite
exequias. Debetis hoc officium Capiti vestro: debe-
tis Collegæ, fautori, præceptori: Debetis amplissimæ
familiæ Clingianæ, octavo hoc vulnere intra paucos
proximos menses graviter lancinatæ. Imperat hoc
vobis æquitas, & communis, quæ vobis est cum Maca-
rite hoc nostro, moriendi necessitas. Nulli dubita-
mus, quin singuli id facturi sint, quod eos decet. Id
ut faciant, rogamus, monemus, hortamur. P. P. sub
sigillo Academiæ 19. Martij Anno 1632.







fultans, Themidos amore flagrare cepit:
eo potissimum Viro Consultissimo *Johann*
Jcto eximio: cujus ductu & monitu ad stud
animum serio applicuit; Cum vero sumptus a
rum telam pertexendam non suppeterent, il
gio esset parentes gravare, occasionem eosd
inserviando, sublevandi quæsit. Clarissim
& præcipuorum virorum liberis erudiendis p
est. Cum *Bernhardo* & *Henrico* vero *Wedenho*
censib^{us}, quibus & ipse morum ac studiorum f
commendatione Amplissimi Viri *Dn. Jacobi*
J. D. & Professoris & Cancellarij id tempor
politani, datus erat. Anno 1596 Argentinem
demiam invisit; ibidemq; triennium integri
tit; quo completo in *Brisgoam*, *Helvetiar*
gundiæ partem; dehinc *Galliam* & *Italiam*
dictis discipulis suis excurret; quæq; ibi nota
fuerunt, in Itinerario propria manu configna
hoc itinere redux, salutatis primum in *VV*
matre, & consanguineis, ad primam studioru
nutriculam, *Academiã* hanc nostram se ret
postquam in familiaritatem *Dn. Bernhardi Sc*
gij tunc temporis *Protonotarij*, paulo post a
latum evecti, se virtute & egregijs animi do
nuasset; in generum ab eo delectus est; Qu
suam unicam *Ursulam* matrimoniali foedere *A*
junxit. Eodem anno professio juridica ei &
infula delata, & in *A* *cademiæ*, concilium, & fa
ridicam adscitus fuit. Conjugium hoc uti p
cero amore conjugali cœptum; ita pacatum
lum juxta ac foecundum exstitit; ex quo sex

A. 3.

